

欽定石渠寶笈三編

欽定石渠寶笈三編

南薰殿藏二

圖像

伏羲氏像一軸

帝堯像一軸

夏禹王像一軸

商湯王像一軸

周武王像一軸

梁武帝像 一軸

唐高祖像 一軸

唐太宗像 三軸

後唐莊宗像 一軸

宋宣祖像 二軸

宋太祖像 四軸

宋太宗像 一軸

宋真宗像 二軸

宋仁宗像
一軸

宋英宗像
二軸

宋神宗像
二軸

宋哲宗像
一軸

宋徽宗像
二軸

宋欽宗像
二軸

宋高宗像
一軸

宋孝宗像
一軸

宋光宗像 一軸

宋寧宗像 一軸

宋理宗像 二軸

宋度宗像 一軸

明太祖像 十二軸

明成祖像 一軸

明仁宗像 一軸

明宣宗像 三軸

明英宗像 一軸

明憲宗像 一軸

明孝宗像 一軸

明武宗像 一軸

明世宗像 一軸

明穆宗像 一軸

明神宗像 一軸

明光宗像 二軸

明熹宗像 二軸

明興獻王像 二軸

宋宣祖后像 一軸

宋真宗后像 一軸

宋仁宗后像 一軸

宋英宗后像 一軸

宋神宗后像 一軸

宋哲宗后像 一軸

宋徽宗后像 一軸

宋欽宗后像 一軸

宋高宗后像 一軸

宋光宗后像 一軸

宋寧宗后像 一軸

明孝慈高皇后像 一軸

漢張良像 一軸

漢韓信像 一軸

漢周亞夫像 一軸

漢寇恂像 一軸

漢岑彭像 一軸

漢祭遵像 一軸

漢班超像 一軸

漢諸葛亮像 一軸

漢張飛像 一軸

秦王猛像 一軸

唐李孝恭像 一軸

唐尉遲敬德像 一軸

唐薛仁貴像 一軸

唐狄仁傑像 一軸

唐郭子儀像 一軸

唐李光弼像 一軸

唐李晟像 一軸

唐李克用像 一軸

宋范仲淹像 一軸

宋岳飛像 一軸

明太祖御筆

二冊
以下附

明宣宗行樂圖 一卷

明人畫出警圖 一卷

明人畫入蹕圖 一卷

伏羲氏像 一軸

〔本幅〕絹本。縱七尺八寸。橫三尺四寸七分。設色畫伏羲坐像。長四尺三寸。散髮披鹿皮。足下右圖龜。左圖八卦款。臣馬麟畫。上方楷書贊敘。朕獲承祖宗右文之緒。祇適燕謀。日奉慈極。萬幾餘閒。博求載籍。推迹道統之傳。自伏羲迄於孟子。凡達而在上。其道行窮而在下。其教明採其大指。各為之讚。雖未能探賾。

精微姑以寓尊其所聞之意云爾。標題宏議。
贊曰：繼天立極，為百王先。法度肇建，道德純
全。八卦成文，三墳不傳。無言而化，至治自然。
謹案：成都學有周公禮殿。漢獻帝時，立高
文翁石室在焉。益州刺史張收畫盤古三皇
五帝三代君臣於壁間。見玉海所引益州記。
此伏羲諸像之所自昉。

帝堯像 一軸

本幅絹本。縱七尺七寸六分。橫三尺五寸。設色畫帝堯立像。長五尺一寸二分。冠服赤舄。上方標題堯贊曰。大哉帝堯。盛德巍巍。垂衣而治。光被華夷。聖神文武。四岳是咨。揖遜之典。萬世仰之。

[illegible]

夏禹王像一軸


〔本幅〕絹本。縱七尺八寸二分。橫三尺五寸。設色畫夏禹王立像。長五尺一寸。袞冕執圭。上方標題禹贊曰。克勤於邦。烝民乃粒。厯數在躬。厥中允執。惡酒好言。九功由立。不伐不矜。振古莫及。

[illegible]

商湯王像 一軸

本幅絹本。縱七尺八寸二分。橫三尺五寸。設色畫商湯王立像。長五尺一寸。服冕被袞。旁有一獸。上方標題湯贊曰。順天應人。本乎仁義。以質繼忠。匪曰求異。盤銘一德。桑林六事。人紀肇修。垂千萬世。

謹案論衡湯起白狼銜鉤。宋書符瑞志湯在亳能修其德。有神牽白狼銜鉤而入商朝。據此則商湯像旁所圖獸當是白狼。



周武王像一軸

本幅絹本縱七尺九寸五分橫三尺五寸設
色畫周武王立像長四尺九寸簪冠有屋衣
裳赤舄上方標題武王贊曰受天眷命繼志
前人遐邇悅服偃武修文惟賢是寶法度彰
明建用皇極爰敘彝倫

謹案此幅及前伏羲帝堯夏禹商湯四像俱
有贊伏羲像贊前有敘俱無執考宋史理宗
本紀淳祐元年春正月戊申幸太學謁孔子
製造統十三年贊就賜國子監宣示諸生又玉

海載淳祐聖賢十贊敕云萬興餘闕博求
載籍推迹道統之傳自伏羲迄於孟子凡達
而在上其道行窮而在下其教明各為之聲
元年孟春祇謁先聖賜國子監宣示諸生旁
注伏義堯舜禹湯文武周公顏曾子思孟子
據此則敎贊為宋理宗所作當時既以宣示
復命繪圖而分書其上像之數應如贊數特
今止存五耳敎中有其日上像之慈極語考
宗即位尊楊皇太后曰皇太后慈極所居殿
曰慈明前後凡三尊號寶冊則慈極蓋指
楊后言之又伏義像有臣馬麟畫四字考陳
善杭州府志馬麟遠子能世其家為畫院祇
候畫史會要馬遠光寧間待詔是麟之繼遠
入畫院正當理宗朝五像尺寸畧同殆出馬
麟一手款稱臣應是奉詔所作

梁武帝像 一軸

本幅絹本。縱二尺二寸二分。橫一尺七寸七分。設色畫梁武帝半身像。長一尺八寸。蒼髯。簪冠。博衣。左手搯圭。上方標題梁武皇帝。

收傳印記。皇姊珍玩。夏口。半紫芝堂。

謹案梁書武帝紀稱帝生而有奇異。兩髭駢骨頂上隆起。有文在右手曰武帝。天表秀峙。軒狀堯姿。又案明李汝跋梁楷王羲之書扇圖後。此圖上有皇姊珍玩印。皇姊者。元魯國大長公主也。公主於至治二年大集朝賢於天慶寺出圖畫三十六卷。命各人識之。泰定

元年表清容為之詔考元史表世祖女魯國
公主表嘉特章成宗初封大長公主

唐高祖像 一軸

〔本幅〕絹本。縱八尺六寸二分。橫四尺。設色畫。

唐高祖立像。長七尺五寸。黑鬚。平巾幘。絳袍。

束帶革鞬。

謹案唐書唐儉傳儉稱帝日角龍廷又藝文志載殷穀韋元泰畫皇朝九聖圖高祖及諸王圖

[illegible]

唐太宗像 三軸

本幅絹本三軸。皆設色畫。一縱八尺六寸五分。橫四尺。畫唐太宗立像。長七尺四寸。虬髯翼善冠。黃袍。窄袖束帶。革鞬。一縱二尺七寸。橫一尺五寸。半身像。長一尺九寸。翼善冠。龍袞。一縱三尺二寸。橫一尺六寸。立像。長二尺。赭袍。玉帶。上方標題。徐仲和臨。間立本畫。唐太宗納諫圖。并讚。太宗堂堂天日表。納諫受

言心轉小。鄭公凜凜社稷臣。抗論輸忠殊不
撓。精神會合一堂上。賢範英資屹相向。後來
閭相寫其真。至今見者皆尊仰。赭袍玉帶照
面光。烏靴短笏唐人裝。折腰上前進讜論。忠
膺義頗搖風霜。

謹案舊唐書太宗本紀稱帝龍鳳之姿。天日
之表。唐會要會昌五年七月。中書門下李德
裕奏。孟州記水縣武牢關城東峰有高祖太
宗像在一堂。請如漢郡國立廟故事。更造一
廟。號昭武廟。制可。按此為宋代奉安御容各
州郡之所自。昉又按宣和書畫譜載有閭立

本畫魏徵進諫圖而無太宗納諫圖又按文
獻通考唐太宗嘗以幞頭起於後周便武事
者也方天下偃兵採古制為翼善冠自服之
自是元日冬至朔望視朝服翼善冠

[illegible]

後唐莊宗像 一軸

本幅絹本。縱八尺五寸五分。橫四尺。設色畫。後唐莊宗立像。長七尺五寸。黑鬚。幞頭。藍袍。

玉帶。

謹案舊五代史唐莊宗紀帝體貌奇特沈厚不羣武皇時所鍾愛及武皇之討王行瑜帝時年十一從行初令入覲獻捷迎駕還宮昭宗一見駭之曰此兒有奇表因撫其背曰兒將來之國棟也勿忘忠孝於予家又按宋史與服志幞頭一名折上巾起自後周然止以軟帛垂脚唐始以履代絁惟帝服則脚上曲人臣下垂朱子語錄幞頭本是偃脚垂下今

之即後做遂長成脚例闊橫梁詭唐莊宗取伶官幞頭戴

宋宣祖像二軸

本幅絹本二軸皆設色畫一縱六尺八寸橫四尺七寸七分畫宋宣祖坐像長四尺九寸微鬢哀冕執圭一縱一尺七寸橫一尺二寸八分半身像長一尺五寸長鬢幘頭黃袍左

右方有題識不可辨

謹案宋史禮志神御殿古原廟也以奉安先朝之御容宣祖於資福寺慶基殿建炎以來朝野雜記國朝宗廟之制太廟以奉神主景靈宮以奉聖像天章閣以奉畫像又按宋史

與服志僕頭國朝之制君臣通服平脚朱子
語錄唐人僕頭初止以紗為之後以軟遂砍
木作一山子在胸前起其先僕頭四角有脚
兩脚係向前兩脚係向後後來遂橫兩脚以
鐵線張之然惟人主得裹世所畫唐明皇已
裹兩脚者但比今甚短不知幾時展得如此
長至本朝遂易以藤織者而以紗冒之近時
方易以漆紗

宋太祖像 四軸

本幅絹本四軸皆設色畫。一縱八尺一寸。橫四尺。畫宋太祖立像。長七尺三寸。面深赭。長鬚。幘頭。團龍紫袍。皂紋鞞。一縱七尺。橫五尺三寸。坐像。長五尺三寸。幘頭黃袍。朱帶。一縱一尺八寸五分。橫一尺八寸。半身像。長一尺六寸五分。幘頭白袍。上方標題趙太祖。瓢印一。隴西記。一縱一尺六寸。橫一尺一寸五分。

半身像長一尺二寸帕首緋袍執仗

謹案宋史太祖本紀稱帝容貌雄偉氣度豁
如王超傳子德用狀貌雄毅面黑頭以下白
哲言者謂德用貌類藝祖又見通鑑燕談印
伯溫聞見前錄太祖微時游渭川潘原縣過
涇州長武鎮寺僧守嚴者異其骨相也建炎
國於寺壁青巾褐裘天人相也建炎以來
朝野雜記雍熙閣僧道輝畫太祖皇帝御容
於佛屋之後壁文獻通考天聖初知制誥張
師德奉安太祖御容於鴻慶宮八年迎天章
閣太祖御容太奉安於太平興國寺開先殿
祐四年奉安太祖御容於揚州建隆寺慶厯
六年重修開先殿迎天章閣太祖御容奉安
八年自萬壽觀奉太祖御容於睦親宅皇祐
五年奉太祖御容於滁州天慶觀端命殿至和
二

祀年迎太祖御容奉安開光殿又按第四幅
執仗卷蓋作殿前照檢時像
排

[illegible]

宋仁宗像 一軸

本幅絹本縱五尺九寸橫四尺設色畫宋仁宗坐像長五尺微髻幘頭赭袍

御批通

謹案鑑輯覽嘉祐二年九月契丹來聘遣翰林學士胡宿報之初契丹主來求御容如契丹契丹至是復遣使來求宿乃奉御容再拜謂左右曰主其儀仗迎謁及瞻視驚肅再拜謂左右曰我若生中國不過與之執鞭持蓋一都虞侯耳其言唯屬史臣遇美而仁宗英偉之姿亦於此可見又按宋史禮志載奉安仁宗神御於景靈宮應天院

宋英宗像 二軸

本幅絹本二軸皆設色畫一縱六尺四寸橫四尺九寸畫宋英宗坐像長四尺五寸微髻幘頭白袍朱帶皂紋鞞一縱二尺二寸橫一尺四寸半身像長一尺七寸幘頭赭袍

謹案宋史禮志載奉安英宗神御於景靈宮應天院

宋神宗像二軸

本幅絹本二軸皆設色畫一縱五尺五寸橫三尺五寸五分畫宋神宗坐像長四尺五寸幘頭絳袍皂紋鞞一縱二尺五寸橫一尺八寸二分半身像長二尺一寸微髻通天冠絳

袍頂有佛圓光

謹案宋史神宗本紀稱帝隆準龍顏動止皆有常度潛確類高元祐元年太皇太后詔神宗升祔於故事當營神御以奉神靈聞治隆殿後有園地可即其地立神宗原廟哲宗本

紀元祐二年三月奉安神宗神御於景靈宮
宣光殿十月奉安神宗御容於會聖宮及應
天院禮志徽宗即位宰臣請特建景靈西宮
奉安神宗於顯承殿為神御之首

宋哲宗像 一軸

本幅絹本。縱五尺六寸。橫四尺五寸。設色畫。宋哲宗坐像。長四尺八寸。面瘦削。微鬚。幘頭。

絳袍。


謹案宋史哲宗本紀稱帝天表粹溫進止中。成禮志建中靖國元年名哲宗神御殿曰觀。哲宗御容於西京會聖宮及應天院。二月奉安。



宋徽宗像 二軸

本幅絹本二軸皆設色畫一縱五尺九寸橫三尺三寸五分畫宋徽宗坐像長四尺六寸微鬢朱帽朱衣一縱二尺四寸五分橫一尺六寸半身像長一尺七寸紗方巾露髻朱衣朱帶

謹案宋史禮志紹興十五年秋復營建神御殿於崇政之東其殿名徽宗曰承元



宋欽宗像 二軸

本幅絹本二軸。皆設色畫。一縱五尺九寸。橫三尺四寸五分。畫宋欽宗坐像。長四尺九寸。微髻。幘頭。絳袍。朱履。一縱三尺二寸。橫一尺六寸五分。半身像。長二尺二寸。藍巾。淺綠衫。


謹案宋史禮志載欽宗神御殿曰端慶

[illegible]

宋高宗像 一軸

本幅絹本縱五尺八寸。橫三尺二寸二分。設色畫宋高宗坐像。長四尺六寸。白鬚眉。幘頭絳袍。皂紋鞞。

謹案宋史禮志載高宗神御殿曰。皇德。



宋孝宗像 一軸

本幅絹本縱六尺二寸○橫三尺四寸○設色畫
宋孝宗坐像○長四尺九寸○微髻○幘頭○絳袍○皂
紋韉

謹案宋史禮志載孝宗神御殿曰系隆

宋光宗像 一軸

本幅絹本。縱五尺八寸。橫三尺四寸。設色畫。宋光宗坐像。長四尺七寸。微髻。幘頭。絳袍。皂紋鞞。

謹案宋史禮志載光宗神御殿曰美明



宋寧宗像 一軸


〔本幅〕絹本。縱五尺八寸。橫三尺四寸五分。設色畫宋寧宗坐像。長四尺七寸。微鬚。幘頭。絳袍。皂紋鞞。

謹案宋史禮志載寧宗神御殿曰乘光

宋理宗像 二軸

本幅絹本二軸皆設色畫一縱五尺九寸橫三尺四寸畫宋理宗坐像長四尺七寸微鬚幘頭絳袍皂紋鞞一縱二尺橫一尺二寸半身像長一尺六寸冠服同

謹案宋史度宗本紀咸淳元年六月名理宗原廟殿曰章熙



宋度宗像 一軸

本幅絹本。縱六尺。橫三尺四寸。設色畫宋度宗坐像。長四尺七寸。微髻幘頭。絳袍皂紋鞞。謹案宋史禮志載度宗神御殿曰昭光。

6. 1. 1.

•

•

明太祖像十二軸

本幅絹本四軸。紙本八軸。一絹本。縱六尺三寸。橫三尺一寸。設色畫明太祖坐像。長五尺二寸。鳳眸龍頤。黑痣盈面。服冕垂旒。被袞執圭。一絹本。縱六尺三寸。橫三尺一寸。設色畫坐像。長五尺一寸。冠服同。一絹本。縱六尺二寸。橫三尺三寸。設色畫坐像。長五尺一寸。烏紗折上巾。織金盤龍袍。一紙本。縱二尺六寸。

橫一尺五寸。設色畫坐像。長二尺二寸。冠服
同。一紙本。縱六尺。橫三尺四寸。設色畫坐像。
長五尺九寸。烏紗折上巾。黃袍絳履。一紙本。
縱五尺三寸。橫三尺一寸。設色畫坐像。長五
尺。皮弁。織金盤龍袍。一紙本。縱五尺二寸。橫
三尺一寸。設色畫坐像。長四尺八寸。冠服同。
一紙本。縱三尺三寸。橫二尺。設色畫半身像。
長二尺七寸。冠服同。一紙本。縱三尺四寸。橫

二尺。白描半身像。長二尺四寸。皮弁盤龍袍。
一紙本。縱三尺三寸。橫二尺二寸。白描半身
像。長二尺二寸。折上巾。盤龍袍。一紙本。縱三
尺三寸。橫二尺。白描半身像。長二尺四寸。冠
服同。一絹本。縱八尺五寸。橫五尺一寸。設色
畫坐像。長四尺八寸。蒲座。地敷氍毹。烏紗折
上巾。黃袍。紫面虬髯。與前諸幅像迥異。

謹案明史太祖本紀。稱帝姿貌雄傑。奇骨貫
頂。名山藏。明太祖曰。章天質鳳目龍姿。聲如

洪鍾奇骨貫頂春明夢餘銘景神殿在太廟
東北奉藏列聖御容每歲六月六日本寺具
吉服詣太廟暨景神殿曬曝明會與嘉靖十
五年改世廟正殿曰景神殿寢殿曰永孝殿
奉藏祖宗帝后御容於其中

明成祖像 一軸

本幅絹本。縱六尺九寸。橫四尺七寸。設色畫。明成祖坐像。長四尺九寸。面深赤。虬髯。別出二綰。翼善冠。黃袍。黼座。地敷氍毹。謹案明史成祖本細栴帝貌奇偉。美髯鬚。


[illegible]

明仁宗像 一軸

本幅絹本。縱三尺五寸。橫二尺四寸。設色畫。
明仁宗坐像。長二尺二寸。長髯冠服同前。

明宣宗像 三軸

本幅絹本。三軸。皆設色畫。一縱六尺九寸五分。橫五尺五寸。畫明宣宗坐像。長五尺。面赤而髯。冠服同前。一縱二尺二寸。橫二尺七寸。馬上像。長七寸二分。臂鷹而馳。前有羣雁。驚起蘆葦間。一縱一尺二寸。橫九寸五分。立像。長三寸五分。戎服挈鹿。倚馬欲上。後一鹿驚馳。宣宗作回顧狀。



明英宗像一軸

本幅絹本縱六尺五寸。橫四尺八寸四分。設色畫明英宗坐像。長四尺四寸。面微赤而髯翼善冠。龍袞。

[illegible]

明憲宗像 一軸

本幅絹本。縱六尺五寸。橫四尺九寸。設色畫。

明憲宗坐像。長四尺三寸。冠服同前。

設案名山藏稱明憲宗。廣額豐頤。方面大耳。目睛如漆。光彩射人。

[illegible]


明孝宗像一軸

本幅絹本。縱六尺五分。橫四尺九寸。設色畫。
明孝宗坐像。長四尺一寸。豐髯。負黼宸冠服。
同前。




明武宗像一軸

本幅絹本。縱六尺五寸。橫四尺七寸。設色畫。
明武宗坐像。長四尺五寸五分。微髻冠服同
前。




明世宗像一軸

本幅絹本。縱六尺五寸。橫四尺九寸。設色畫明世宗坐像。長四尺一寸。冠服同前。




明穆宗像一軸

本幅絹本。縱六尺四寸。橫四尺八寸。設色畫。
明穆宗坐像。長四尺。微鬚。冠服同前。




明神宗像 一軸

本幅絹本。縱三尺四寸五分。橫二尺三寸五分。設色畫明神宗坐像。長三尺一寸。微髻。冠服同前。




明光宗像 二軸

本幅絹本二軸。皆設色畫。一縱六尺三寸五分。橫四尺一寸。畫明光宗坐像。長三尺八寸五分。微鬚。一縱三尺四寸。橫二尺四寸。坐像。長一尺九寸。冠服並同前。



明熹宗像二軸

本幅絹本二軸。皆設色畫。一縱六尺四寸。橫四尺九寸。畫明熹宗坐像。長三尺六寸。冠服同前。旁二几。陳設瓶爐書策。一縱三尺四寸。橫二尺三寸五分。坐像長一尺九寸。冠服陳設同前。



明興獻王像二軸

本幅絹本二軸皆設色畫一縱七尺四寸橫五尺二寸畫明興獻王坐像長五尺二寸一縱三尺四寸橫二尺四寸坐像長二尺四寸冠服並同諸帝

謹案興獻王明世宗父世宗入嗣以張璉言定興獻為皇考追尊為恭睿淵仁寬穆純聖獻皇帝廟號睿宗祔主太廟見明史

[illegible]

宋宣祖后像一軸

本幅絹本縱六尺橫四尺七寸五分設色畫
宋宣祖后側坐像長四尺二寸五分龍鳳冠
鳳釵鞠衣加帔大帶雙綬玉珮玉環

註宋史禮志神御殿條下載宣祖昭憲皇
后御容奉安於資福寺慶基殿

[illegible]

宋真宗后像 一軸

本幅絹本。縱五尺六寸。橫三尺七寸。設色畫。

宋真宗后側坐像。長四尺六寸。九龍花釵冠。

兩博髻。翟衣。帶綬環珮。面罩絳紗。

謹案文獻通考凡神御殿者古之原廟明道二年。慈孝寺莊獻神御為彰德殿。景德二年。神御為廣孝殿。奉安御容恭謝禮成。景祐二年。占宮城西。北隅普安院奉安莊穆神御。為重徽殿。四年。萬壽觀修莊惠真容。賜名曰。廣愛。皇祐五年。葺重徽殿。奉安章穆皇。后明道二年。建廣孝殿。奉安章懿皇。后神御。考莊獻為真宗。劉后莊懿。即章懿。為真宗李。

淑后
妃
後穆即章穆為真宗郭后
尊為皇太后者此像不知所屬
莊惠為真宗楊

宋仁宗后像一軸

本幅絹本。縱五尺四寸五分。橫五尺二寸。設色畫宋仁宗后側坐像。長四尺六寸。冠服同前。面貼珠鈿。旁列二侍女。一執唾盂。一執巾。



宋英宗后像一軸

本幅絹本縱五尺九寸二分橫四尺五分設
色畫宋英宗后側坐像長四尺三寸冠服面
飾同前

宋神宗后像一軸

本幅絹本縱五尺四寸橫三尺六寸六分設
色畫宋神宗后側坐像長四尺一寸冠服面

飾同前

謹案宋史禮志建中靖國元年詔建欽聖憲
肅皇后欽慈皇后神御殿於大明殿北名曰
柔明尋改欽儀又改坤元崇寧三年奉安欽
成皇后神御坤元殿欽聖憲肅皇后之次欽
慈皇后又次之考欽聖為神宗陳后此像不
知所屬

宋哲宗后像 一軸

本幅絹本縱二尺五寸五分橫一尺六寸二

分設色畫宋哲宗后半身像長二尺一寸五

分素髻藍衣

謹案宋史禮志政和三年哲宗昭懷皇后神
御殿成詔名正殿曰柔儀山殿曰靈娛考哲
宗二后一昭慈孟后一昭懷劉后此像當是
孟后

宋徽宗后像一軸

本幅絹本縱五尺八寸五分橫三尺三寸設
色畫宋徽宗后側坐像長四尺五寸五分九
龍花釵冠兩博鬢翟衣帶綬環珮面貼珠鈿

宋欽宗后像一軸

本幅絹本。縱五尺九分。橫三尺三寸七分。設
色畫宋欽宗后側坐像。長四尺三寸。冠服面
飾同前。

宋高宗后像 一軸

本幅絹本。縱五尺九寸。橫三尺二寸。設色畫。
宋高宗后側坐像。長四尺一寸。冠服面飾同
前。

宋光宗后像 一軸

本幅絹本。縱五尺四寸五分。橫三尺四寸。設色畫宋光宗后側坐像。長四尺一寸。冠服面飾同前。

宋寧宗后像一軸

本幅絹本。縱五尺九寸。橫三尺五寸。設色畫。
宋寧宗后側坐像。長四尺四寸。冠服同前面。
無珠鈿。

明孝慈高皇后像 一軸

本幅紙本縱三尺三寸五分橫二尺三寸五分設色畫明孝慈高皇后半身像長二尺六

寸雙鳳翊龍冠黃團衫霞帔

謹案明史與服志皇后常服洪武三年定雙鳳翊龍冠首飾釧鐲用金玉珠寶翡翠諸色團衫金繡龍鳳文帶用金玉四年更定龍鳳珠翠冠真紅大袖衣霞帔紅羅長裙紅綃子冠制如特髻上加龍鳳飾衣用織金龍鳳文加緣飾

漢張良像一軸

本幅絹本縱六尺五寸五分橫三尺二寸設
色畫漢張良立像長四尺九寸五分微鬚巾
服大帶有裳

漢韓信像 一軸

本幅絹本。縱八尺五寸六分。橫三尺九寸。設色畫漢韓信立像。長七尺二寸。鬚四絡。武弁戎服。佩劍。

漢周亞夫像一軸

本幅絹本縱八尺五寸五分橫四尺設色畫
漢周亞夫立像長七尺鬚三絡束髮巾緋袍

革帶

謹案唐書禮樂志建中二年武成王廟圖形
古今名將有周亞夫

漢寇恂像一軸

本幅絹本縱八尺五寸五分橫三尺九寸五分設色畫漢寇恂立像長七尺眉宇英毅巾幘藍袍

漢岑彭像 一軸

本幅絹本縱八尺五寸五分橫三尺九寸五分設色畫漢岑彭立像長七尺武巾紫袍叉手

漢祭遵像一軸

本幅絹本。縱八尺五寸五分。橫三尺九寸五分。設色畫漢祭遵立像。長七尺。鬚三綰。武巾。緋袍束帶。

謹案後漢書永平中顯宗追感前世功臣乃
圖畫二十八將於南宮雲臺中有執金吾雍
奴侯冠恤征南大將軍舞陽侯岑彭征虜將
軍潁陽侯祭遵

漢班超像一軸

本幅絹本。縱八尺五寸五分。橫四尺。設色畫。漢班超立像。長七尺。虬髯怒目。拱手巾幘。青袍革帶。

漢諸葛亮像一軸

本幅絹本縱六尺一寸橫三尺設色畫漢諸
葛亮立像長五尺有髻綸巾緇衣有裳上方
題炎劉失馭漢轍傾東遺世躬耕草廬隆中
昭烈三顧幡然景從跨荆益以保崑阻走曹
瞞司馬而角逐羣雄魚復之石八陣不移赤
壁之戈一麾懋功拜表出師神行電邁誠動
天地氣凌雲風曠百世貫古今而不可度思

夫是為南陽之卧龍敬德堂書鈐印三敬德
堂章晉府圖書冰清玉潔南陽龍卧炎劉
傾否三顧草廬幡然而起義正君臣恩猶魚
水肆七縱以征蠻麾八陣於頤指氣吞吳魏
巋然鼎峙據五丈原走生仲達嗚呼天不慙
遺長星墜已吳從敬鈐印五豫章口口琴寓
圖書吳氏從敬正肅公裔一印不可辨
理紫朱子跋張敬夫諸葛武侯畫像贊云乾
道丁亥予游長沙見張敬夫書室有武侯畫

像甚古云是劉文
像或其摹本歟

洵家藏唐閻立本筆此

漢張飛像一軸

本幅絹本縱八尺五寸五分橫三尺九寸五分設色畫漢張飛立像長七尺目眦欲裂鬚髯怒張武巾白袍衷甲叉手左腕懸鐵鞭一謹案唐書種樂志建中二年武成王廟圖形古今名將有張飛

秦王猛像 一軸

本幅絹本縱八尺五寸五分橫三尺九寸五分設色畫秦王猛立像長七尺鬚髯武巾藍袍拱手

謹案唐書禮樂志建中二年武成王廟圖形古今名將有秦王猛

唐李孝恭像一軸

本幅絹本縱七尺一寸。橫三尺二寸。設色畫。

唐李孝恭立像。長六尺六寸。短髯。蟒玉。

謹案舊唐書河間王孝恭傳武德二年拜孝恭為總管令教習水戰以圖蕭銑銑出降高祖大悅使畫工貌而視之

唐尉遲敬德像 一軸

本幅絹本縱七尺一寸橫三尺二寸設色畫

唐尉遲敬德立像長六尺六寸睥目蒼髯武

巾淺紫袍執笏

謹案唐書秦瓊傳河間王孝恭開府儀同三
司鄂國公敬德並國形凌烟閣藝文志凌烟
閣功臣二十四人圖閣立本畫又有曹元廣
畫凌烟閣

唐薛仁貴像一軸

本幅絹本縱八尺五寸五分橫三尺九寸五分設色畫唐薛仁貴立像長七尺鬚髯白衣衷甲叉手右腕懸鐵鞭一

謹案唐書薛仁貴傳王師攻安市城仁貴恃驍悍欲立奇功乃著白衣自標顯持戟腰鞬兩弓呼而馳所向披靡帝望見嗟異賜金帛鋒白衣者誰曰薛仁貴帝召見嗟異賜金帛口馬甚衆此像衣色正印蓋仁貴既以是著名故繪像亦如此

唐狄仁傑像一軸

本幅絹本縱八尺五寸五分橫三尺九寸五分設色畫唐狄仁傑立像長七尺豐髯進賢冠紫袍執笏

謹案沈括筆談狄青為樞密使有狄梁公之後持梁公畫像及告身十餘通詣青獻之

唐郭子儀像 一軸

本幅絹本縱八尺五寸五分橫三尺九寸五分設色畫唐郭子儀立像長七尺豐髯武中

紫袍執笏

謹案唐書代宗本紀廣德元年七月壬子給功臣鐵券藏名於太廟圖形凌烟閣郭子儀傳回乾吐蕃入寇代宗幸陝乘輿還子儀頓首請罪帝勞曰用卿晚至此乃賜鐵券圖形凌烟閣

唐李光弼像 一軸

本幅絹本縱八尺五寸五分橫三尺九寸五分設色畫唐李光弼立像長七尺短髯帕首緋袍衷甲佩劍

謹案唐書李光弼傳廣德元年浙東平賜鐵券名藏太廟圖形凌煙閣

唐李晟像 一軸

本幅絹本縱八尺五寸五分橫三尺九寸五分設色畫唐李晟立像長七尺鬚髯武巾紫袍束帶拱手

謹案舊唐書李晟傳晟年十八從軍身長六尺勇敢絕倫德宗本紀貞元五年九月詔以裨將良已下至李晟等二十七人圖形於凌煙閣以繼國初功臣之像

唐李克用像 一軸

本幅絹本縱七尺一寸橫三尺二寸設色畫

唐李克用立像長六尺六寸面深赤豐髯折

上巾絳袍玉帶

謹案五代史補太祖生眇一目長而貌勇善騎射所向無敵時謂之獨眼龍太祖之有河東也威聲大振淮南楊行密常恨不識其狀魏因使畫工詐為商賈往河東寫之畫工到未幾人有知其謀者擒之武皇初甚怒既而謂所親曰吾素眇一眇試召王使寫之觀其所謂為如何及至武皇按膝厲聲曰淮南使汝來寫吾真必畫工之尤也寫吾不及十分即

階下便是死汝之
威暑武皇執八扇
皇曰汝詔吾也遽
其臂弓撚箭之狀
直武皇大喜因厚
像在此當時已傳
與金帛造之目據
別寫之又應聲下
扇寫扇角半遮其
因寫扇角半遮其
面武

宋范仲淹像一軸

本幅絹本。縱四尺三寸。橫二尺三寸。白描宋
范仲淹坐像。長八寸。座後設屏。一童子焚香
於側。上有趙孟頫書。范文正公。蘇人也。平生
好施與。擇其親而貧。踈而賢者。咸施之。方貴
顯時。置負郭常稔之田千畝。號曰義田。以養
濟羣族之人。日有食。歲有衣。嫁娶凶葬皆有
贍。擇族之長而賢。按宋文鑑下有者字主其計。而時其

出納焉。日食人一升。歲衣人一縑。嫁女者五十千。再嫁者三十千。娶婦者三十千。再娶者十五千。葬者如再嫁之數。葬幼者十千。族之聚者九十口。歲入給稻八百斛。以其所入給其所聚。沛然有餘而無窮。仕而家居。俟代者與焉。仕而居官者罷莫。宋文鑑作其給此其大較也。初公之未貴顯也。嘗有志於是矣。而力未逮者二十年。既而為西帥。及參大政。於是始

有祿賜之入而終其志。公既沒。後世子孫修其業。承其志。如公之存也。公雖位充祿厚而貧。終其身。歿之日。身無以為斂。子無以為喪。惟以施活族之義。遺其子而已。昔晏平仲敝車羸馬。桓子曰。是隱君之賜也。晏子曰。自臣之貴。父之族。無不乘車者。母之族。無不足於衣食者。妻之族。無凍餒者。齊國之士。待臣而舉火者。三百餘人。如此而為隱君之賜乎。彰

君之賜乎。於是齊侯以晏子之觴而觴桓子。

余嘗愛晏子好仁。齊侯知賢而桓子服義也。

又愛晏

宋文鑑下有子字

之仁有等級而言有次第

也。先父族。次母族。次妻族。而後及其疎遠之賢。孟子曰。親親而仁民。仁民而愛物。晏子為近之。今觀文正公之義田。賢于平仲。其規模遠舉。又疑過之。嗚呼。世之都三公位。享萬鍾祿。其邸第之榮。車輿之飾。聲色之多。妻孥之

富止於一已而已。而族之人不得其門者。豈少也哉。况於施賢乎。其下為卿為大夫為士。廩稍之充。奉養之厚。止乎一已而已。而族之人操壺瓢為溝中瘠者。又豈少也哉。况於他人乎。是皆公之罪人也。公之忠義滿朝廷。事業滿邊隅。功名滿天下。必有史官書之者。余可畧也。獨高其義。因以遺其

宋文鑑作於

世云款

子昂。鈴印四大雅。趙子昂氏。趙孟頫印。松雪

齋

謹案是文係宋錢公輔義田詔見宋文鑑

宋岳飛像 一軸

本幅絹本。縱五尺七寸五分。橫三尺一寸五分。設色畫宋岳飛坐像。長四尺九寸。修髯。藍巾。蟒玉。手執書冊。

謹案宋史岳飛傳。紹興三年。度吉盜連寇。梅堦郡帝命飛平之。密旨令屠度城。飛請誅首惡。而赦脅從人。感其德。繪像祠之。

明太祖御筆 二冊

〔本幅〕紙本二冊。上冊五十幅。每幅後有釋文。
一縱一尺二寸。橫一尺三分。朱書。諭第二子
秦王。換前者土星木星入秦分井內。金亦入
井。月累次入井。五星月皆犯井宿。占主秦有
兵禍。即目東天上有客星入太微中。穿翼軫。
十分事大。勅符到日。秦兵不出關。止是關內
防閑。所有曹北起集軍士。務一名名發出宋。

國公處。延安慶陽等取達達軍發赴京來。西
手裏趙脫兒要索土軍與他弟管。切不可即
發各衛指揮一二員去管領河岷等處士如
之。符到之日。子細子細如勅關防。二縱一尺
二寸三分。橫一尺八分。朱書諭第二子秦王
樸。勅符到日。將都司聶指揮。岷州衛馬指揮
施指揮。赴京如勅奉行。三縱一尺一寸四分
橫一尺。朱書諭秦王長興侯都指揮濮英等。

即目魚仲溫首延安等處。前元軍官童都萬戶等壹伯貳拾貳名。皆隱名。有不出戶名。匿於本管軍戶探馬赤戶下。勅符到日。每戶差三五人詣門捕取。毋得驚疑。此等十分謹要。密切撲住。撫恤前來。如勅奉行。四縱一尺二寸三分。橫一尺八分。朱書諭第五子周王橐都指揮使司申國公到日。言天象事十分要防閑大軍出征的馬。看養的好。合出征的步。

軍時下不出且教種些瓜菜閒時點視務要
整齊如勅奉五縱一尺二寸三分橫七寸六
分朱書諭第五子周王并江夏侯都司官太
僕寺卿商果如今且不出軍勅符到日但是
知名舊日好廝殺的止是計名不許有司差
他教他上謹做庄家若是用他便教他出來
如此分付定了你每都回京來如勅奉行亦
縱一尺三寸五分橫一尺七分朱書制諭第

六子楚王楨并總兵官信國公湯和江夏侯
周德興制諭到日火速十分關防寅夜用心
切不可深入自漸挨行投拜蠻人不可輕信
若辰沅寶慶等府起到民兵揀中用者戰弱
者積糧凡百事務王年紀小未曾軍中歷事
所以教劉寧都督來總護并圍宿王有一切
大軍事務不可稟請於王施行止是你總兵
官自決王不過隨軍習戰如勅奉行七縱一

尺三寸九分。橫一尺八分。朱書諭第七子齊王。棣。前者山東民為蓋僧寺。擾動數萬。聚於登州。令五甲首總領五萬百姓。驚疑哀怨。朕聞知。憂驚不已。不知何人擅自虐害吾民。所以星馳使者來問。今知是爾。使朕愈見驚憂。不皇飲食。所以憂驚為何。山東之民久遭兵火。朕遣大將軍平之方已。民未康安。為爾齊魯兩國之封。役民一新宮室。勞已甚矣。命爾

之國。必要為吾作福。今福未有分毫。給民乃
虐害如此。今符前去。爾速將校尉十人馬軍
五十名。千戶一員。百戶一員。前來聽吾教諭。
如勅。八縱一尺二寸三分。橫七寸三分。朱書。
諭第七子齊王。符到即將原收顏料。及接管
人。發付解來稽考。如勅奉行。九縱一尺二寸
二分。橫九寸六分。朱書。諭第九子魯王。即目
爾母舅武定侯。前往遼東鎮守。經此登州涉

海渡去爾速差人賁寶鈔五百錠。是夜趕至
登州。送與作盤纏用。如私奉行。十。一尺一
寸七分。橫一尺七分。墨書諭從孫守謙符到。
率領力士一千名。回靖州。上沅州。於靖州沅
州將軍匠幼軍不分多少。但幼軍軍匠着令
原領千百戶一名。名點見數目。領於思州管
下地面。往貴州去的路上。却殺了致事官。并
今遍殺了千戶處那里見調軍搜拏那蠻人。

爾至那地下營。到秋自漸南行。入雲南大理。
爾前者這等。非為父子。皆行不才之事。今且
涉諸險難。知此不易。然後享福。一方庶可托
也。不然。仍前非為。不知士卒之艱苦。不得人
心。猶未可。故勅十寸縱一尺一寸七分。橫一
尺一寸。朱書。皇帝勅賜大將軍魏國公兼太
子太傅徐達。農作將興。今旦日吉時良。修年
彝祀。歲君風雲雷雨兵鎮海瀆之神。酌於先

農為民祈穀神賜之胙與卿同享虔恭神福
故勅諭十二縱一尺三寸橫一尺四分朱書
制諭信國公湯和將瀕海守禦城池大小官
員都着京城調去見下海的指揮千百戶對
換赴京別處補缺守禦那沿海守禦官多年
巡海生受制書到日如制奉行十三縱一尺
一寸七分橫八寸三分朱書兵部為軍務事
洪武十七年六月十一日欽奉教差人前去

信國公處催軍直抵倭奴地方哨掠欽此。今
差本役直抵總兵處所毋得遲慢。十四縱一
尺二寸六分橫一尺六分朱書制諭信國公
湯和文書到日即便將領軍士船隻回京。此
時已是風信過期不必渡海。省會邊海原守
軍船自行嚴加防備。此諭如是信國公未見
都督孫恪田旺劉壁見之亦行即便將領軍
船回京。如制奉行。十五縱一尺一寸六分橫

九寸四分。朱書制諭信國公湯和。今命都督孫指揮僉事田旺、劉碧率領官軍來駕大小船隻前去爾處聽調。候官軍船隻時，嚴加號令。申明再三巡視諸島務要寧靜。制諭到日，浙江都司所屬衛分大小官軍悉聽節制。如制奉行。十六縱一尺三寸三分，橫一尺一寸六分。朱書洪武元年二月，諸道發兵征虜大將軍率甲士二十五萬北入中原。信國公帥

兵五萬。由東浙浮海。至討八閩。豫章胡美何
道西平侯等。將三萬入閩關。吉安侯領兵萬
五度梅嶺。滎陽侯楊景統荆楚戰士三萬取
廣西。當年秋。南北捷音俱至。天下統十七。縱
一尺五寸。橫二尺四寸二分。十八。縱一尺五
寸。橫一尺一寸七分。墨書。原缺數字虜大將軍等。
古之名將。為國效。原缺數字張君之德。故有摧堅
撫順。無所不克。以目前之名將。千載勲名不

磨者。我朝中山武寧王。開平忠武王。二將率
雄師平華夏之亂。終身無疵。以至功成。今朔
漠未清。命爾率天下雄師。且戍且征。偶遇胡
於金之北。本胡心雖來歸。設意身未入朝。見
意在使者往來。進方物。延緩為計。右將軍藍
玉。事雖輕易。幸耳成功。破彼深謀。已獲萬全。
何其大將軍專為己私。惡聲遺臭於天下。遍
滿胡中古之名將。所作所為。必播善名於敵。

使來者安之。未來者懷之。所以今古不磨為
此也。今大將軍誅指揮戮百戶。殺鎮撫懸首
於隊官頂上。以禁不貪。號令明矣。今聞將軍
段淮名取胡之馬。為數不少。其胡國王新逝
方四日。大將軍服內取及女子一人。致人忘
哀。大失人倫。似此惡聲不道。使來者不安。未
附者且恨。此是將軍効忠乎。為已乎。將軍殺
人。禁人不貪而已。且甚。又失人倫。於所殺指

揮等皆非命也。理當償之。今罪之甚者播惡聲於胡內。當住來歸之人。調不如法。致陷將軍僕英等人馬三千。今止是自己滿貪。無志取清。胡不聽朕命。擅發留守大寧軍數遺殘胡為後患。罪當不赦。若欲宥罪。先清自己。後清羣將。使來者歡心。未來者慕化。尚可全美其功。不然。固肆貪心。歸來有議。制書到日。火速驗定各處士人多少。照依所在分派明白。

設官一至各照地方率去庶得便宜朕聽往
來之言甚是不一詳觀大槩於將軍勝之哉
故諭十九縱一尺三寸三分橫二尺三寸二
分朱書說與總兵官征虜大將軍如何當初
崖頭原缺數字東五郡二百里不將土人就機會
分開二三人馬車輛且是各人懷土之心却
不容易減勢如此不為硬將遼東女真高麗
不願往北平來者槩拘來多用關防今又將

入口內來了。人口頭。所損甚衆。若於瑞州等處過冬。水草柴薪十分便易。如今左右副將及叅將。並不為公人各專上私已之舉。且如當初運糧一百二十萬上大寧。及公路備辦。誘哈刺章蠻子處人。今來奏目止留小人在彼守禦。餘者大軍更往何處。似這迤北達達及納哈出。近散人馬無心收拾。文書到日。將陝西人馬都發回衛。餘者盡於大寧駐扎。

來春屯種所有新附軍馬取看遼陽金復海
蓋土人約有多少照依衛分每衛安若干數
來春順草慢慢放頭口前去北平周遭口內
口外土人各人住設置衛分分開牧放頭足
如是陝西馬未可行且留必是沿途穩當方
回喜峯口上糧多將那兄雜軍人於彼食糧
精銳皆往大寧又墨書文書到日南雄侯趙
庸東川侯胡海火速赴京二十縱一尺三寸

三分。橫九寸四分。朱墨書。朕命大將。不過正副二員耳。中山武寧開平忠武二王。共者常為正副。率師出入。今二人至尊地下。名播寰中。祿及世世。載之書史。無瑕矣。二人逝後。添人為副。是增顯人也。二十一。縱一尺三寸四分。橫一尺一寸五分。朱書。諭宋國公馮勝卿。久鎮河南。軍民安妥。邇者大將軍魏國於將印不懸。召卿歸提調天下軍馬。卿至京已日。

矣。於勞未勞。今特遣人賜羊酒。當精羞以享。
故勅勞之。二十。縱一尺三寸八分。橫九寸
二分。朱書。宋國公知道。女真總旗納合茶等
反了東昌。營內老小餘丁不久知道。若知道
了。必是大驚。恐怕作亂。你但到了。把馬官買
了。拘了。隨將出征的家小餘丁。着軍防送來
京。這事則宜早為。遲了不便。早便吉利。二十
三。縱一尺三寸三分。橫四寸五分。朱書。制諭。

鞏昌侯曰郭子南雄侯趙庸將領馬軍九月初五回京如制奉行二十四縱一尺二寸三分橫一尺一寸朱書太傅魏國都督馬雲諭永平侯謝誠鞏昌蕭永成南安淮遠會寧等知道今日天寒地凍胡人必無遠行之計符到各官赴京如勅奉行二十五縱一尺二寸六分橫一尺一寸四分朱書諭定遠鎮守延安侯靖寧侯邇來獲到胡圻侯者至問係永

平人民。伊父母尚在胡處。舊歲甘肅迤西沙州王遣人內附。擒獻元君使者至京。欲釋適胡心堅。沙州王內附之。永無人為導。議問所獲者至。就令本人引領前去。感彼人情。今後凡軍出哨抵胡境內及邊陲去。得彼出哨并圻候者首級一顆。如前賞活一名如之。故勅諭二十六。縱一尺三寸三分。橫一尺一寸五分。朱書諭遼東鎮守延安侯靖寧侯。二月報。

至京師三三哈利雙城有疵。非智將之為將。
本制人。制人在。知已知彼。今不制人。為人所
制。爾奚不審之。前者數勅諭爾。所諭之辭。罔
知所以。故是今勅。再思勿易。吉欽哉。二十七
縱一尺三寸三分。橫一尺五分。朱書。諭延安
靖寧侯。邇者上天垂象。沿邊守戍。去處十分
宜固守。凡外寇入境。止許靖守城池。縱彼縱
橫於野。就中窺其有隙。量勢度機。然後於境

內與較

疑脫勝字

負決不可輕出境外固守固守

如勅無異二十八縱一尺一寸七分橫九寸二分朱書制諭東川侯胡海大僕寺卿商梟率領百戶石泉百戶許成等前去山東等處收取舊日慣戰頭目軍士赴京有司應付脚力行糧如各人情願赴京面聽宣諭操練聽候出力者其本家一切雜凡差發盡行蠲免五年所在有司毋得妄生事端攪擾其家如

制奉行二十九。縱一尺二寸六分。橫一尺一寸三分。朱書制諭都督孫某。率領官軍船隻前去寧波等處捕倭。聽候信國公湯調遣。所率官軍悉聽節制。如制奉行三十。縱一尺四寸。橫一尺八分。朱書原缺一字。馬官人回京說。靄翠處有六萬買馬布。已與了馬九百疋。可准布二萬。尚有四萬布。未曾與馬。今命指揮某某前去貴州牽趕馬疋。說與靄翠就補足了。

那已接了二萬布的馬數將來這勘合到時
靨翠依著三十一縱一尺三寸橫七寸四分
朱書右軍奉旨教說與普定衛顧指揮等前
者發去盤江把截的潑皮秀才做巡檢的韓
鐸等不要時離行盤江三年來奏三十二縱
一尺三寸三分橫一尺二寸七分朱書諭建
昌衛指揮使馬魯帖木兒如今賈哈囉我見
了說老羅刺是馬魯帖木兒母舅這般說的

明白。若漢人論十分骨肉親。為甚麼兩下裏
疑。今命舍人某與同來某。送賈哈刺到建昌
知任。知任了。便教去他父老羅刺根前。回朝
覲的事。有賈哈刺兩箇叔叔。羅牙羅刺。就回
北興地面。原住處住。原空數字。太平時年。休記讎
親的。每親厚著過。好生好。自家不和別生出
事來。不止不快活。連性命也不得。我的言語
說將去。老羅刺好生痛外生。著馬魯帖木兒

好生孝順母舅著老羅刺看的羅牙羅刺兩
兄弟好著。這般吓地面人情十分好。故茲勅
諭三十三。縱一尺三寸三分。橫一尺二分。朱
書。諭西安衛都指揮使司。人來言曹兆所起
舊軍。秦王凡張思道。李思齊。張伯玉軍士。皆
非關內人。少壯赴京。其舊前原舊軍。不問漢
南蒙古回回等軍。既然入籍為民。報知數目。
不移所居。生就住所。編成隊伍。不許入城。臨

用之時就鄉呼集率領出征一則省糧二則
不誤生理如勅奉行三十四縱一尺二寸橫
一尺二寸五分朱書朕惟德相天地道合四
時今若此者古罕焉雖然始伏希當作義而至
有元聖相繼賢接踵未嘗缺也然如仲尼者
無且自秦焚之後聖賢亡於紀冊但存者未
完獨仲尼誠通上下之神澤數字內所以至
漢崇之唐敬尤存宋如所以疑有脫字元封大成

至聖文先

欽宣字之謫

王其子孫生享榮祿廟之

血食萬世無窮所以前代以闕里之邑職子

孫今是邑缺官導民族以賢推某可受某官

爾吏曹速授是職往便民生三十五縱一尺

二寸二分橫六寸二分朱書吏部吏科將各

部各科見缺人員報來十二道監察御史缺

員亦報來三十六縱一尺三寸橫一尺一寸

三分朱書古者六曹之設任天下之務次獨

戶曹掌錢糧謹出納以實倉廩祿給功德者
也。昔人受斯重任量所以入度所以出未嘗
有過期而與先期而給以致功德者嗷嗷或
虛費而致君之憂所以給者當與者斯昔
君之臣賢若是朕開國以來任戶曹者或才
不及力不勝或心不正志多貪以致諸有司
埋沒作盜因而妄給往往犯憲者衆由是異
前代特設判祿掌京師受祿勿稽功過務在

明白予奪以勤不公移百三十七縱一尺一寸四分橫九寸二分朱書部為考試官員事洪武十七年月日於華蓋殿早朝欽奉教將十二布政司守闕秀才所言本處有司公政疑正字之訛的都昇起來以暢志賢之志所言不才者降下來以辱小人更教鄉里都知道賢與不才以分清濁欽此三十八縱一尺三寸三分橫七寸二分朱書諭祭酒宋訥君子

之道和和小人之道。然世有之而不免。雖然。天相德人。必君子之道堅。小人之道磨。勿為是而替威儀。竭乃心。加奉勅如前。故勅三十九。縱一尺三寸。橫四寸四分。朱書東宮考歷代諸王駙馬妃嬪正午所出入之疑落果由一字。左右何門。正午歷皆設門五座。未知其詳細。四十。縱一尺一寸五分。橫一尺二寸三分。戶部洪武十七年閏十月二十三日。欽奉聖旨。

天下戶口錢糧已有定額糧稅戶戶自有由
帖照憑每歲該夏秋二稅民人未嘗缺少其
戶部前官故意作弊陰通諸布政司奸出百
端所以歲令各布政司苗稼未成之時先申
認狀弊出多端您戶部新任官出榜昭示更
行下諸司今後止是照依舊額徵收如是不
足先額著落布政司重要罪責直隸著令該
府重罪過如此上下易為法有繩規事不紊

煩榜後的有仍前妄行者罪以重刑四十。

縱一尺三寸二分橫一尺一寸朱書原缺數字遲

羅進貢事使者至京禮已畢矣所損船隻修

理完原缺數字起程回還本國使國王心悅浙江

布疑落一政字司故意留難作咨呈有失懷柔遠

人之道今差人前去取招記罪一百星夜發

船起程四十縱一尺三寸三分橫一尺一

寸三分朱書西南諸夷種類非一上自三代

聖人累化之。未嘗有一夫肯率王命。入衣冠
禮樂文物之治。咸歸仁壽之鄉。朕有天下。惟
幫土夷長者。額者率先內附。欣然衣冠。且善
華言。克知文理。又能善書。若茲聰敏。西南諸
夷。孰與之肩。可謂智哉。豈止若茲。將後本部
之夷。亦皆風俗盡美。五常之道修焉。可授幫
土宣撫司宣撫。吏曹速為施行。毋怠。四十三。
縱一尺三寸二分。橫一尺一寸三分。朱書。

原缺

數。蘇州府。縣管地方。所有應徵物色若干。須

要列府州縣各於名下各開名色。四十四。縱

一尺二寸七分。橫六寸五分。朱書。原缺有司

諸事奏啟本赴京往者。兩澤奏啟本赴京。原缺

數書寫姓名。有寫而不稱臣者。以數千里數

百里造文一紙。以人君姓名尚不謹書。此果

人臣之理乎。四十五。縱一尺三寸一分。橫一

尺一寸二分。朱書。刑部禁治事。各內府衙門。

各各內官。不許私下使令諸色匠人軍人。如
有私下使令者。杖一百。罷職。若諸色匠人軍
人。聽令使喚者。闕作火者。四十六。縱一尺二
寸六分。橫一尺一寸。朱書。戶部為水災事。欽
依。差本役前去河南。著令布政司官。委官官
備紙札。一同前去被災去處。家至戶到。驗丁
口。抄寫入冊。以憑奏聞。毋得倚此科擾。已災
無災人戶。倘有不遵。仍前擾民。奉旨。不分職

之輕重處以極刑。欽此。仰欽依施行。四十七。
縱一尺三寸二分。橫一尺一寸三分。參書。應
天府并六縣。務要將前元入官田地。及我朝
入官田地。原徵則例。同累年減半收糧數目。
魚湖兩稅。一切合收。未入官各人。已者。備
細造冊。入來。四十八。縱一尺三寸三分。橫一
尺一寸。朱書。奉旨。嘉興千戶所千戶某。曾對
普定侯陳桓說。有一名吏。被刑部問。出一千

五百石米。本吏虛指大戶某家納之原米。本
寄於某寺。今本吏歸。仍取米入已。大戶受妄
指。四十九。縱一尺二寸六分。橫一尺二寸二
分。朱書。一延安慶陽府州縣戰馬無多。用草
原缺為我處借百姓一槩科草指草。原缺入
已方便。戶部疾忙驗馬多少。定下草數。定某
縣今歲辦納。明年輪到某縣。毋得一槩擾民。
一軍戶相貼。係是埵丁當役。此時別無征進。

其正軍往往逼臨貼戶軍錢甚多。倘或一軍有故。每垵戶點充。今相貼太重。貼戶貧乏。行文到日。我說的言語。教百姓每知道。正軍行些仁德。管軍官敢有使令害貼戶者。罷職充軍。五十縱一尺一寸三分。橫四寸九分。朱書制諭四川都司護衛指揮及布政司。即目差諸色人匠興造蜀王王城宮室。務要軍民共同興造。如制奉行。下冊二十八幅。每幅後

有釋文。縱一尺四寸三分。橫一尺五分。朱書。朕聞為以公民懷其澤。以身効忠。奸難為之。近今爾懷寧縣丞某處。正為民造福。摧強立業。以訓時人。誠可旌勞。勅禮部遣行人賫醴往賜。爾是永懷。是志久尤顯焉。故諭。二。縱一尺四寸八分。橫二尺三寸。朱書。戶部為秋糧事。洪武年七月二十三日。於奉天門。欽奉陝西延安慶陽府州縣。交秋糧。往年就於本

府收住累年已來收的多了。久後起運。百姓
必被有司不才官吏害的重。他那害的重緣
故。本處淋失跌斛收了。一到起運出倉。必是
括錢支與。比到西安府倉。又不肯平收。却要
斛面。百姓每如何當這等苦況。且原納糧時。
戶有大小。糧有多少。丁有多寡。強弱。及至起
運。大户不循良者。買了官吏。不肯運糧。低下
小戶。無錢買覓官吏。硬差起運。若不早為整

治見在府倉糧食。且不起運。止將今歲秋糧
各戶。自被疑被字誤脚力。一逕運赴西安府交納。
免致重複勞擾小民。三。四。皆縱一尺二寸六
分。橫二尺四寸。墨書。嗚呼。世有奸頑。終化不
省。且若是。且如朕臣民有等奸頑者。朕日思
月慮。籌計萬千。務要全其身命。使揚祖宗顯
父母。榮妻子。貴本身。共安天下之民。朕所設
一應事務。未嘗不穩。一一盡。皆的當。其不才

臣民百般毀壞不行依正所行故意亂政壞法自取滅亡。往往如此數百數千矣。故入此奸頑終了殺身者莫如其數。且如朕為布政司府州縣并軍職衙門恐各官吏才力不及特設良法使行之。其法已定其法已良有等不才奸頑故意妄生枝節擾亂使上不能清本官吏人民易為作弊及至事發使彼自清簿書少減輕其罪。當此之時意在求生其心

切切及其理也。自亦莫能知。是亂之極也。嗚呼。其貪心孛然而起。迷其真性。造惡如此。雖欲自求生路。亦也不能。況朝廷及他受害者。如府州縣官。不能朕設良法。使安居祿位。其常熟縣秋糧四十萬石。零立糧長三十名。掌之。臨催糧時。省會三十名人。糧辦已。其官吏見法正且清。難為作弊。本以大戶為糧長。掌管本都鄉村人民。秋夏稅糧。却乃設計亂法。

其亂法之計。將有力大家充糧長。不許管領
本都鄉村納糧人戶。調離本處。或八九十一
百里。指與地方。使為糧長者人戶。不識鄉村
不知其本都本保及隣家錢糧。却又指他處
七八十里百十里人來管辦。務要錢糧不清。
田地不真。易為作弊。如此擾害細民。朕將原
設三十名糧長革去。從本縣并各處有司設
法自辦。其常熟官吏用六百有零里長催辦。

其為首者既多奸民乘此其弊紛然常熟縣
官莫能誰何加以自取肥己一但當作發露
官吏殺身奸民又著若干皆亂政壞法自取
也初為上司輕易虐辱所屬朕命不許凡有
合行事務公文往來必欲事成其所居某處
某處官倚恃朕命二十次四十次三十次十
七八次不答應致使公事有防如此亂法事
覺皆處以極刑盡是敗壞安身之法自取殺

身之禍如民人亂法。朕見府州縣官吏苦民
極甚。特不許有司差人下鄉。有司官吏亦不
得親自下鄉。法已行。官吏守者且有一半。民
甚安矣。有等倚恃誥文。非理抗拒。有司里甲
糧長不肯趨事赴工。以致家破人亡者若干
戶。嗚呼。奸頑之徒難治。扶此彼壞。扶彼此壞。
觀此奸頑。雖神明亦將何如。五縱一尺四寸。
橫二尺六寸六分。墨書大明皇帝諭丞相捏

怯來。洪武二十一年十一月原缺二字。知院火

兒灰尚書某人到京。將到丞相文書裏面意思。口說的緣故。都知道了。說丞相要口溫地面住座。這是丞相與多官人衆百姓每心愛處。便是好。有心裏喜住處。不座地呵。多人不喜歡麼道。揀長便處。安多人。心呵好。且如今遍丞相與多人來的緣故。我知道了。也速迭兒。這人祖宗以來。宗族裏面自使的人麼道。

今遍與馬刺哈咱咬住衆人廢了你的可干麼道若是丞相隨著也速迭兒行呵不是丞相相同廢君呵也是也者如今丞相不為臣下之臣。邇來我行來呵。一是知天命。二是要與你的可干報讐麼道。揀麼那箇尋思的意思。都不如丞相最高。這箇好名而遠傳將去。萬古有名有里。如今口溫立口溫衛丞做指揮使。多人名分丞相寫將來。我定奪行同印信。

一同去。我的意思這般定奪。未知丞相原缺字與

多人心裏如何。若不合意。呵。再說將來。故勅。

方縱一尺二寸五分。橫二尺三寸。朱書大明。

皇帝勅諭元忠臣蠻子哈刺章曰。人臣禦災。

捍患者。列於方冊。至今耿耿。實非一人。凡大。

德之君。忠孝之士。誦之於几案。閱之於掌上。

無不倏然而感激。目之於亂臣賊子。無不切。

齒忿恨。二者之為感動神人。其福臻禍至。每。

各膺之。今爾二臣克於推嗣繼元之後。上格
皇天。下欣人事。雖歷古至今。忠臣義士與爾
肩者。而有數焉。茲惟爾忠甚。為爾休帖木哥
旋。傳朕至意。爾輩善事爾君母。當作母。擅君柄。
則天休爾躬。臣忠畢矣。故茲勅諭。想宜知悉。
七。縱一尺三寸六分。橫二尺三寸。朱書諭占
巴國王。使臣自占巴回。備言王之情狀。一切
作為。甚非子孫之福。實造子孫之禍。何以見

子孫之禍。蓋為王年已高大。從然有壽。能延
幾年。如今與諸國王結為讐恨。他日王年十
分高大。恐諸王子不如王。為國之災難。甚非
小小。王但知克勝安南。以為已能。不知安南
加兵占巴。致上天之鑒。占巴復恨安南受辱。
國破人流。且兼失地。皆天之所以。今王必倚
兵象之強。將有不強之日。何以見敗拜於後。
北有安南之敵。南有真蠟。當作臘瓜哇之隙。更

且肆侮於我。何肆侮於我。前所進之象。以不才之稱為至寶。羣象雖進。不堪用。所進舞女者。以樂器論。皆非全部。況諸婦人人皆濫臭。是其侮之甚歟。王地海濱。諸國使者航海必由之所。王擅敢拘人之使。收留諸國罪者。為諸國之患。如或不悛。諸國合兵。未審王戰爭果何為之力也。且如進人口頭足之說。以小事大。古至於今。禮之常者也。小邦安索取於

上。若以小事大之誠有所感於上。賜則為之。嘉。豈冒瀆於上者。前者王子至京。朕待以殊禮。及其歸也。視使者如讐人。此以小事大之誠乎。今命某送王使者歸。索象若干。人若干。以信往來之好。八縱一尺三寸。橫二尺三寸。墨書諭安南國王。使至乃有陳情之辭。云及彼所進閹人。為使不當。朕觀情辭甚當。初朕止知用人。不問遠邇。特以彼中來者。遽行意。

欲致王高枕。何期有失計校。以卑臨尊。以賤
肩貴。大有所不宜。然所來闕者。各懷父母之
邦。歲思一往。是以有所不免。王欲絕歸闕人。
不使往復兩間。以斷猶豫。是來終不得歸乎。
時朕召諸來者詣前。昭視陳情云。及以卑歸
尊。以賤肩貴之道。諭之。使知王之所惡。若是
今後。凡有省親懷舊欲歸者。仍作彼中未來
之禮。行於爾國。終不為使。何如。諸闕者應聲。

而諾無不悅哉。使旋以是諭王。未審果然乎。
朕嘗以格神之心合於臣民。所以誠馳萬必。
欲神交而志通。彼人為使者如是。故勅九縱。
一尺一寸。橫二尺四寸五分。縱一尺一寸。
橫一尺一寸七分。墨書。你中書省文書裏傳。
著我的言語。說往安南去。前者我教他那里。
三年來朝一遍。所貢之物。惟是表意矣。已疑作
已若事大之心永堅。何在物之盛。今年某使
矣。

至仍前遠賁豐物來朝安南國王何不遵朕
至意朕想莫不是彼中紊紀亂綱更王易位
有所疑猜而如是乎然君臣之分本定奈何
昔王荒昏於上致令如斯豈不天數也歟朕
又聞方今之王亦族中人為之或者可吁朕
聞中國聖人有云將欲取天下而為之吾見
其不得已天下神器也不可為也為者敗之
執者失之今陳某奪位而為之必畏天地而

謹人神恤及黔黎庶膺王爵倘或慢天地而虐庶民人神又非久長之道又說與安南傲限山隔海遠在一隅天造地設各天一方以主生民中國有道之君必不伐尚強無知者必征朕統天下惟願民安而已無那強凌弱之舉衆暴寡之為道與安南新王自當高枕原脫無慮加兵十。縱一尺三寸橫八寸三二字分朱書平免麓川車里等使臣赴部去歲辦

差發事。本部某隨即奏聞奉旨。兩處土官差發止依元朝舊例。若事大之心永堅。何在差發之厚。你戶部行文書去。教知道。十二縱一尺一寸六分。橫一尺五分。朱書。禮部為進貢事。洪武十七年閏十月原脫二字日於華蓋殿早朝。本部尚書原脫二字奉旨。教將沙州王及抹脫等來進馬的使臣某早發回去。那里此時多官人每必是望信早到那里。衆官人行說的。

知道王與衆官人每好心俺這里知了麼道
教王與多人到來年草青時節往南甘肅地
面沙州迤南地面里可屯種處可養頭足處
從便快活住著麼道若心裏十分喜歡呵那
時重將賞賜與也者你禮部即行文書去十
三縱一尺三寸六分橫一尺一寸六分朱書
大明皇帝聖旨教江夏侯安慶侯將茶去西
番地面裏買馬為西番不省得漢人言語再

教兩箇西番火者官人去說與他多西番每知道各族裏有的馬賣與我每此箇買馬的茶差去的人照那里例兒與肯賣馬的族分陝西都司布政司邊上官人每看的好著不要攪擾那箇族分不賣馬的說將來別做箇道理待他十四縱一尺三寸八分橫二尺二寸二分十五縱一尺三寸八分橫六寸三分朱書右軍都督府為軍務事洪武二十一年

二月初十日。本府僉都督王成於奉天門早
朝。欽奉右軍差人前去播州水西烏散烏蒙
占宜仁德建昌武定馬湖各各土官處說知。
六聲不肯當差。芒部東川與白夷私通。已差
阿奴亦結暗地往來。要與我每廝殺。我每調
兵。本要與白夷家廝殺。不想東川芒部這等
心歹為這般。且不與白夷廝殺。先與東川芒
部討得分曉了。方過去。如今我每無糧。這軍

馬且在六聲地面上種二年田却去芒部種
二年田再過東川二年種田方去白夷廝殺
我則這般要與白夷廝殺無糧難去既是東
川他通了他必定請將白夷軍來與我每就
東廝殺却不省了我行遠路我每自種自喫
著修營寨成家。在東川芒部地面上的等。他請
白夷十萬二十萬軍來東川芒部納與他人
糧象馬草料與我每戰說水西等土官這東

川芒部人。六聲人。你每休藏他。走在你地面裏。隱下了。不便於你。土官早前我買馬征達達。他每不肯。如今達達征取了也。他每不曾將馬助氣力。倒通了白夷。說與衆土官知道。十六。縱一尺二寸七分。橫二尺四寸。墨書奉天承運皇帝詔曰。皇天授命。宰土馭民者。非勤政無逸。曷以達天。爾高麗王王顯生前。怠政。務在逸勤。致使身遭凶。天命就淪。歲月云。

祖早以當時為今之古語。忠臣思感忿恨。無
為嗚呼。恃險居安。而有此與。抑開誠心。附人
而致是與。嗚呼。言險在德。非險可恃。言誠在
爾。非誠必有所歸。天道好還。未有不然者也。
今年秋七月。爾陪臣某等。表辭懇切。請諡爾。
以昭列代。命嗣王撫育於黔黎。今者釋彼臣
非。允其所請。諡爾恭愍。以張人世。爵爾王封。
英靈於幽壤。嗚呼。不昧而有知。則逢災而禦。

靈聰而必覺。遇患而捍防。吉爾家邦。朕其爾
誥。允聽宜哉。十七。縱一尺三寸九分。橫一尺
一寸。朱書有元失馭。寰中鼎沸。豪雄倡亂。擅
聲教而據蒸黎。大道無倫。民生塗炭。時朕方
集英俊。乃與羣雄並驅。爾某奮忠勇之資。勤
於麾下。今三十有幾載。曩為西番弗庭。命往
平之。抵所在俘獲者衆。斬首亦多。餘番既服。
西土咸寧。凱旋之日。驗功有效。侯爵鳳翔。其

祿惟身於子孫弗及通者西南諸夷恃以險
遠負固跳梁納逋逃匿有罪惑我邊守每不
自寧朕亦勞爾行既從將軍潁川率甲冑者
三十萬晨進昏止衝烟突霧卧雪眠霜十八
縱一尺二寸五分橫四寸八分朱書勅三君
子學知州里友播朝聞由是至是未審竭已
乎不言乎然去就之機惟智者能之故勅十
九縱一尺五寸橫九寸三分墨書嗚呼古先

聖哲之知窮物之源

咎當作究

物之理備焉名

水火木金土曰五行。今人但云五行。未知五行何若。先聖人賢人所云五氣流行於天。故曰五行。既運行於天。所云宿次分野相生相尅。禍福驗於人事。劉向所云發於天而華形於天是也。五行乃五氣也。二十縱橫皆一尺一寸六分。朱書曩命將軍潁川侯率甲冑三十萬往征雲南。期抵平之。雲南土瘠民貧。所

收之稅不足所供。守者以狀來聞。既覽情詞。豈獨稅不足以供軍。其所衣之衣亦也。何需土俗之異。人皆昇髮衣。羶朕目之。無所措為。不遑寢食。將三月矣。今年初夏。坐奉天門。或云安南風景。忽然遂我所思。其安南雲南。壤地相接。特選儒往諭。助我糧儲。時濟軍艱。不亦可乎。然使者非哲睿之人。安可輕行。況安南文邦也。選未決。僉曰。楊某可。於是命行。幾

月而歸。以狀我聞。云安南允其所需。於戲。善人善於事。其友知其善。友亦善矣。時盤出途中。水陸興趣。詩十首以進。朕因為之韻。二十。縱一尺三寸。橫一尺一寸。朱書金仙之教。成在苦空。故修此道者。多棲岩屋。樹落魄於林泉。翫皓月於晴霄。吟清風於松下。致身於物外。論世事如太虛。若是者。乃修之宜也。邇來雲南修者。不辭萬里之遙。足破因緣十二。

若止京師而歸雲南。又何知海天之道。兩浙之美。高僧之淵。藝特勅往游。閱諸名山。廓爾方寸。易時一歸。演華言於金馬。論風景於碧雞。時乃道冠點蒼。神遊八極。快矣哉。二十。縱一尺三寸五分。橫一尺一寸七分。朱書。皇帝諭祭於僧錄司。右覺義某。嗚呼。教自西來。法傳數等。圓覺幽微。誠同乎一。惟爾某教。演瑜伽法。施顯密。應供是方。世俗固憑。展孝伸。

慈○釋○寃○解○結○爾○若○是○行○已○有○年○矣○今○聞○圓○寂○
同○乎○逝○水○然○世○本○俗○僧○多○若○爾○名○彰○僧○首○况○
無○火○宅○之○愆○而○有○始○終○侶○影○之○行○嗚○呼○志○哉○
清○潔○留○名○林○泉○噫○不○昧○疑有脫字聽○鐘○魚○而○論○道○
聞○清○磬○而○行○堅○不○忘○是○修○逍○遙○乎○三○界○之○外○
了○然○哉○故○茲○諭○祭○二○十○三○縱○一○尺○一○寸○四○分○
横○二○尺○三○寸○七○分○朱○書○嗚○呼○功○被○蒼○生○忠○義○
聞○於○上○下○其○櫛○風○沐○雨○卧○雪○眠○霜○司○六○軍○之○

庶命。勤勞憂戚於未陣之時。及期陣也。出幾
死。生而驅除勍敵。忠朕一人。今乾坤大一統。
以洪武紀年。已十有八祀。四海來廷。復思朕
率爾東來。三十有一載。渾無十歲。曾安爾於
家。嗚呼。馬汗未乾。而復出。倦被堅而未醒。又
行。吁。星馳日驟。奚若爾之艱辛。且爾東。則朕
無東顧之憂。三方亦然。今既先逝。倘邊陲有
警。望府地而目。雕鞍雕鞍已解。綵旄隨殯。孤

夫同安。今朕所以唏噓而不已者。蓋無生見
再諭之期。吁。故涕泣而再傷。然死生之道。人
之常。今勞為民福。勲為名世。祿及子孫。可無
憾矣。爾其有知。享茲諭祭。二十四。縱一尺二
寸四分。橫一尺一寸八分。朱書。枕甲眠霜。櫛
風沐雨。遠蠻陌。安中夏。為尊君也。若此忠勤。
非義勇之士。安能若是。前者西南諸夷。弗尊
聲教。朕命挾勁弩。調強弓。行者三十萬。至彼

而平之。諸將凱旋。爾為摧堅而逝。實由尊朕一人。致身若此。今特稽古典。報爾於幽冥。祿給子後世。使生者食祿。死者血食。斯義勇者歟。嗚呼。莫安中夏。君尊一人。良臣之至也。歟。二十五。縱一尺九分。橫一尺二寸二分。朱書。道千乘之國。此句是總下。文句法。道即是路。千乘。一千輛車的。諸侯國。這車子是廝殺的。兵車。一車。文說稱乘。稱車說一千輛車的國。

若無道理的人君。做不成道理。端正便行。將去。不端也行不去。如一條路上。無井無溝港。便好人行。纔有人不行。這道只說路。此書當時。孔子謂諸門人。論諸侯有道者。無道者。發是言。然若實行其事。上至天子諸侯。下至庶民。都比行其事。家國一般治。敬事而信。敬事之說。天子諸侯。既為人君。每日國中有安天下之事。諸侯。境內民事。日日有之。若聰明者。

事○事○敬○謹○詳○審○端○正○做○國○中○無○不○成○的○事○既
成○都○穩○當○信○之○說○天○子○出○令○臣○民○比○語○言○黃
不○言○黑○言○紅○不○言○青○以○其○言○語○不○變○之○謂○信
二○十○六○縱○一○尺○三○寸○二○分○橫○八○寸○六○分○朱○書
機○兄○僧○來○不○暇○談○惟○教○瞠○目○意○窺○探○星○前○好
把○南○禪○問○月○下○尤○當○隻○履○叅○肝○食○寧○知○三十
熟○宵○衣○誰○謂○五○更○諳○如○今○畫○永○禪○宜○觀○世○出
何○憂○利○物○貪○蘆○汀○洲○隱○浦○川○原○和○野○居○二十

七。縱一尺三寸二分。橫九寸三分。墨書。野人
朝陽縫破衲。夜月吟風景。自納山深樹。密未
見人。皓氣九天光。周匝山人終歲栖。岩谷石
逕苔深坐茅屋。身形似鶴槁。灰如心地一同
淵。水綠後重錄一首。第七句改去來絕跡亦
何宗。餘同前。二十八。縱一尺三寸三分。橫九
寸。朱書。僧來相與作閒儔。風月論交去舊愁。
石上三山明數劫。禪中五祖歷多秋。去來感

歎乘元化。由此傷懷。固始謀不預。惟禪忘愛。
欲那將萬事與心揉。輕寒雲衲也同班。定起。
山空座榻閑。嵐鎖半間容膝室。烟埋全樹養。
身岩。猿嚎夜月聽偏切。鶴唳晴天視未還。頃。
刻躡孟歸隱處。錫飛當澗老龍僊。

明宣宗行樂圖 一卷

本幅絹本縱一尺一寸四分橫二丈一尺七寸。設色畫。分六段。一宣宗常服於御園坐觀射。次觀蹴鞠。次觀馬上弄丸。次自捶丸。次自投壺。次乘步輦還宮。無款印。

明人畫出警圖 一卷

本幅絹本縱二尺八寸四分橫八丈一尺四寸。設色畫城闕崇坊。桃柳廣陌。其盡處又見小城。城外列橋二。近山有碑亭。有宮門。山中松柏陰森。殿宇高峙。當是陵寢所在。首列百官禮服送駕。都門外次則羽林軍士執兵擁護。又次則鹵簿全備。簫鼓鐃吹。前後導從。帝服戎服乘介馬。馬色黑白雜。後執蓋者二人。

左右乘馬捧劍者二人威儀之盛。闌衢塞路。凡為人一千九十有九。為馬七百八十有五。輦駕四象者一。駕八馬者一。十二人舁而行者一。二十八人舁而行者一。輅有四輪。駕二十三人馬者一。肩輿用四馬。駕者一。用十二人舁者二。車飾窗戶以朱者七。加黃幄者三。旌旗列樹。營衛旁連。不能悉舉。無繪人姓名印識。

明人畫入蹕圖 一卷

本幅絹本。縱二尺八寸四分。橫八丈八尺五寸。設色畫宮闕城隍橋梁衢陌。大段與前圖相應。惟以陸出。以水旋。布置稍異。自山陵至小城。從官皆乘馬。由此易陸而水。帝冠雙龍幘頭服龍繡紫袍。當舟中正坐。舟尾戎服持兵者六人。前後朱服拱立者三人。內監以篙進舟者五人。旁一舟載陳設花果雜物亦列。

兵衛後舟上加黃幄者二。垂朱簾者四。簫鼓
鑼吹前行導迎者四。羽林軍士執兵擁護者
六。又前載朱色箱內監放爆竹前引者二。其
黃幄肩輿象輦馬輦人輦暨步行兩簿皆從
岸上行前騶至西直門百官禮服郊迎大橋
下軍士各執械夾道鵠立至城止。凡為人九
百一十有五。為馬三百七十有七。舟二十。車
飾以朱者三。旌旗甲仗具如前圖。無繪人姓

名印識

謹案右二國原於不著何代至承天宮史定為明
世宗以嘉靖十八年三月帝至分藩舊壤因
承天乃今湖北安陸縣又安陸在大江南當
從巡幸何緣忽用戎裝又安陸縣在江南北
日果由水程旋躍自應浮江正德亦不得却
至西直門也致明史武宗紀北來亦十二年帝
自稱總督軍務威武大將軍總兵官十二年
二月己卯太皇太后崩六月庚辰梓宮發京
師帝戎服從竊意后崩上陵猶用戎服疑此
國當屬武宗或當時命工繪圖而事實未行
故史亦不之載皆未可知耳孫承澤春明夢
餘錄通惠河即玉河發源昌平州神泉過
榆河會一飲水門泉遠甕山積澗為七泉
東入都城西水貫積水渾者皇城

內西海子也又引楊鼎等言元時水在宮牆
外船得進入海子引灣泊又引元史郭守敬引
北山白浮泉於西折而南經亮山泊自西水
門入城環漚於積水滸車駕還自上都過積
水滸見舳舻蔽水大悅據此則西直門外舊
有河通船可知名又明史河渠志云昌平有
通河通船可知名又明史河渠志云昌平有
門橋下以此求之情事似合故舟得至西直